




g

2




G H




Diverses prières adressées à Louis XIII d'un
Cardinal de Richelieu, au sujet de la
Prise de la Rochelle par Pierre Valens
professeur de grec au Collège de France
suivant l'autheur, V. les Mémoires de
F. Micron t. XXXII. p. 382

et Mémoires de F. Goujet sur
le Collège Royal, in-12. t. I. p. 539.

V. F. Lelong n^{os} 47240-41.





ELOGIA

ÆTERNÆ MEMORIÆ

LVDOVICI XIII.

FRANCORVM ET NAVARRÆ
Regis Christianissimi Iusti, Pij, Felicis
perduellium Domitoris inuictissimi,
Franciæ pacatoris clementissimi,
Religionis auitæ vindicis acerrimi,
Pristinæ Maiestatis Franciæ Assertoris
vnici, Musarum Herculis fortiss.

PETRVS VALENS *Professor Grec.
Literarum Regius regis Maiestati nomi-
nique deuotissimus consecrat. D. D. D.
Ob captam Rupellam, ob auctum conserva-
tūque Francicum Imperium.*

P A R I S I I S,

Ex officina ROBERTI STEPHANI.

M. DC. XXIX.

CASE


F.

39

LIBRARY
LEANS

1326

1629N



ELOGIA.

I.

EÆc de concisis LODOVICVS
signa Britannis.

II

Insons Xantonico REA cernitur insula
Ponto

Hæc Regi nostro posuit præclara Tro-
phæa.

III.

Rex noster dura tandem de rupe triumphans,

Expulit Oceano victor virtute Britannos.

IV.

Ingentes moles Rupellæ Dissicit urbis

V

*Inuicto Regi pulchris victoria pennis
Cessit, & æthereis nitidum caput intulit
astris.*

VI.

Rupellæ diras patiens rex occupat arces.

VII.

Rupellæ Iusti lucet clementia Regis.

VIII.

*Parcere subiectis, & debellare superbos
Rex nouit sapiens, & Pacis dicere leges.*

IX.

*Aurea Rex noster LODOICVS Sacra
reduxit.*

X.

*De dura statuit LODOICVS Rupe
trophæa.*

XI.

*Inuicti regis decus & Patientia duris
Spectata in rebus, cælo caput extulit alto.*

XII.

*Victa manus tandem Regi dat perfida
rupes.*

XIII.

*Quod redijt Pietas, & finibus exulat
(error*

Inuicti Regis LODOICI gloria Iusti est.

XIV.

*Sæua sedens super arma fremit Mars
victus ab armis*

Inuicti Regis, victus fremit ore cruento.

XV.

Inuicti regis pia tēpora laurus obumbrat.

XVI.

*Rupella capta LODOICO debita Pal-
ma.*

XVII.

*Præradiat pulchris Rex victor pulcher
in armis.*

XVIII.

*Neptunus seuum Regi offert, ecce tri-
dentem.*

XIX.

Victorem regem, Tritones voce salutāt.

XX.

*Longæuus Nereus & vasti numina Pōri.
Victorem regem agnoscunt & cæcula
Thetys*

XXI.

*Victrix pulchra manus Fert aurea vel-
lera Regis.*

XXII.

*Neptuni duris plorat vis vincta ca-
thenis.*

XXIII.

*Aligera mentes huc ad nos æthere lapsæ
Victorem regem viridanti fronde co-
ronant.*

XXIV.

*Obuia victori populosa Luceia regi
Insigne celebrat de capta rupe trium-
phos.*

XXV..

*Si quis labentes cernat de rupibus arces
Æstimet inuicti Principis ingenio.*

XXVI.

*Si quis Neptunum constrictum forte
videbit,
Æstimet inuicti Principis ingenio.*

XXVII.

*Miratur quisquam victos virtute Bri-
tannos?*

Æstimet inuicti Principis ingenio.

XXVIII.

Iustitiam niveis cælo descendere pennis?

Æstimet inuicti Principis ingenio.

XXIX.

*Quod sancti mores , & prisci gloria
saeculi*

*Florent , hoc tribuat Principis in-
genio.*

XXX.

*Quod modò resplendent Francorum
lilia : quid ni*

Inuicti adscribas Principis ingenio?

XXXI.

*Religio , pietas , & auita modestia
rursus.*

*Missa polo? tribuas Principis inge-
nio.*

XXXII.

*Ob ciueis Regi seruatos pulchra corona
Querneae debetur cunctos mansura
per annos.*

XXXIII.

*Quis neget inuicti Rupellæ mœnia ca-
ptæ*

Deberi pulchro Principis ingenio?

ã iij

XXXIV.

*Errores pulsos , expulsos urbe mini-
stros*

*Annon laus nostro hæc est tribuenda
duci ?*

XXXV.

*Letitiâ ludisque viæ , plausûque fre-
menteis*

Annon debentur Principis ingenio ?

XXXVI.

*Quod modò collucet accensis undique
flammis*

*Lumina , non iusto LODOICO hæc
gloria parta est ?*

XXXVII.

Quod niueis cælo venit victoria pennis ;

Annon inuicti Principis ingenio ?

XXXVIII.

*Quod modò fama volat totum vulgata
per orbem*

*Rupellæ captæ , nonne hæc est gloria nostri
Victoris , virtute viam qui affectat
olympo ?*

XXXIX.

Aurea quod rursus de cælo secula scan-
dunt,

In terras, nunquid Lodoici hæc gloria
Iusti?

XL.

Quod modò pulchra Iouis de cælo filia
scandit

In terras, visitque homines, atque
aurea secum

Tempora sublimi reuehit pulcherrima
curru

Annon hæc Iusto tribuenda est gloria
Regi?

XLI.

Quod modo stat recto pulcherrima
Francia talo,

Numquid laus hæc est ô LODOICE
tua?

XLII.

Quod modo Rupellæ urbs paret Regiq;
Deoque

Et sacra maiorum relligiosa colit;

*Hanc laudem acceptam cui quæso
Francia debet?*

Annon auspicijs Rex generosè tuis?

XLIII.

*Quod modò cana fides, pietas, atque
inclÿta virtus*

*Enitet in Regno; hoc non LODOICE
tuum est?*

XLIV.

*Quod modo Francorum pulcherrima
lilia florent;*

*Lapsa polo, numquid laus LODOICE
tua est?*

XLV.

*Quodque Asia, Europa, & Libya ca-
put exeret astris*

*Christi sancta Fides, hoc LODOICE
tuum est.*

XLVI.

*Ottomanna domus, violentaq; sceptrum
Tyranni,*

*O LODOICE breui sub tua iura ca-
dent.*

XLVII.

*Incluta Francorum supra Garamantas
& Indos
Gloria transcendet, Gallica sceptrā
colent.*

XLVIII.

*Fama decusque, tuum quò currit sidus
utrūque,
Dispergent radios, & tua sceptrā
colent.*

XLIX.

*Toto orbe adspicient LODQICI erecta
trophæa
Supra Indum & Gangem bellica
facta legent.*

L.

*Virtutis que tue manes ventura sub
imos
Fama coronatis pulchra triumphat
equis.*

LI.

*Quassa quod Armorico classis natat
Anglica Ponto,
Quod disiecta mari fluctuat Oceano;*

Victorique pio, fausto Patriaque pa-
renti

E castris reduci, & demincto tempora
lauro

Ei statuas statuas passim, pulchrásque
columnas

Erige, & insigni versu celebrato trium-
phos.

Quantus Io sanctas, populi conuentus
ad aras,

Quæ modo pro Domino vota pre-
césque facit.

En quos victori parat urbs hac clara
triumphos?

Ecce omnis ætas, pueri iuuenésque
senésque

Occurrunt Regi, Regi omnia fausta
precantes.

LIX.

In templo matres, pueri, innuptæque
puellæ

Acturæ grates, ihura precésque
ferunt.

LX.

*Plebs , populus , equites venerandique
ordo Senatus :*

*Pro Domino reddunt vota precésq;
Deo.*

LXI.

*Prator & Aediles rutilo mirantur in
ostro*

*Victorem Regem , regi gratantur in
ostro.*

LXII.

*Tympana rauca sonant , tota concurre-
tur vrbe*

*Vt Regem spectent , Regem clamore
saluent.*

LXIII.

*Auditur clamórque virum , clangórque
tubarum.*

LXIV.

*Adclamant omnes felicia cuncta pre-
cantes*

*VIVAT REX , VIVAT , multos
feliciter annos.*

cap. X
I. R.

*Vine Deo, Rex vine tibi, Rex vine
tuisque*

*Prisca reflorescet Francorum gloria :
Proles*

*Ex te nascetur pulcherrima, maxime
regum*

*Qua pulsas longè vitij, & fraude
maligna.*

*Pacatum Patrijs seruet virtutibus
orbem.*



AD ILLVSTRISSIMVM
CARDINALEM D. D.
I. ARMANDVM DE
RICHELIEV.



*V*iglasto crepuère fero tincti
ora Bruanni,
Mansueti positâ nunc
feritate silent.

Obsequium Rupella subit maciata, suoq;
supplice dat Regi terga premenda genu.
Felices Galli tanto sub vindice, cuius
Auspicio feritas pulsa, leuata fames.
Fumea Gens, Pardisq; tuis maculatioꝛ
ipsis,

Desine fœmineâ bella ciere manu.
Puniceus si Cardo tuis est fortior ausis,
Æquora nequidquam Gallica puppe
secas.

I. MOLANVS.
Cliens deuotissimus,



IN ORATIONEM
P. VALENTIS GRÆCARVM
literarum Professoris Regij
de Rupellanâ deditioe Epi-
gramma extemporale.

PEr fidiam hîc Rupella tuam, tua
funera cerno,
Quidquid & obsequij lex,
violata tulit.

Cuncta tamen dum cerno, famem non
cerno: VALENTIS.

Non habet vbertas ingeniosa famem.

I. MOLANVS Theol. Hist.
& Eloquentiæ Professor.



EPISTOLA REGIS
CHRISTIANISSIMI
LUDOVICI XIII. Ad Præto-
rem Ædilésque vrbis Paris.

De recepta vrbe Rupella.

TANDEM post diu-
turnas moras, Deus
Opt. Max. summo
beneficio suo effe-
cit, vt votis, optatísque felicis
euenti potiremur. Ciues & in-
cole vrbis nostræ Rupellanæ ad
clementiam nostram confu-

gientes, in oculis, conspectuque
 Anglorum se nobis dedide-
 runt. Et licet spem magnam
 hactenus in fide, & suppetijs
 illorum collocarant, nos tamen
 ut subditos eos benignè ac-
 cepimus : Delictorum præ-
 teritorum (etsi seriùs) valde
 eos poenitet : imposterum ve-
 rò fidem sanctam obsequium-
 que promittunt, ac spon-
 dent. Hoc die copias, co-
 hortésque nostras in prædi-
 ctam urbem nostram immi-
 simus, eo animo, eo confi-
 lio, ut & nos intra biduum in
 eam ingrederemur : cuius rei,
 consilijque per Equitem no-
 strum Sanctimonium, quem
 eas ob causas ad vos misi-

mus, vnà cum capitibus conditionibúsque ciuibus ijs latis, ac concessis, certiores vos reddere volumus; ex quibus quid potissimum in hoc recepto loco considerandum sit docebimini: Ex qua deditioe quin vt boni fidelésque subditi, incredibilem lætitiã, ac voluptatem hauſturi, Deóq; vnà cum reliquis subiectis nostris, pro ope, auxilióq; in re tam ardua, & difficili nobis præſtito, cum summa alacritatis, ac lætitiæ significatione otij, ac tranquillitatis publicæ regníq; gratias acturi immortales ſitis, non dubitamus. Ex caſtris ad Rupellam. Pridie Kal. Octobr.

Anno M. DC. XXIIIX.
Subscriptum LOVIS, & infe-
riore loco ,

LE BEAUVCLERC.



AD ILLVSTRISSIMVM
CARDINALEM D. D.

I. ARMANDVM DE
RICHELIEV.

QUOD votis omnibus
omnes boni, & patriæ
Regisque sui aman-
tes optarunt hætenus,

CARDINALIS ILLVSTRIS-
SIME, id summa Dei Opt. Max.
bonitate bene felicitérque euenit.
Pertinacia rupes à tot annis re-
bellans, cunctando tandem in
manus Domini sui recidit. Qua
in re quanto vsui Regi nostro
Christianiss. LVDOVICO tua sue-

A iiij

rit MENS, tuumque salutare
 consilium, omnes literæ, & linguæ
 loquentur. Cognitum modò om-
 nibus est, quanti sit unius viri
 in consilio sapientia, cognitum
 profectò unum Nestorem plurib.
 Ai acibus multò plus potuisse. Cō-
 silijs tuis, CARD. ILLVSTR. euen-
 tus nō defuit. Et quò difficilior res
 illa multis visa est, eò iam maior
 omnium animos tenet admira-
 tio, offundit letitia. Virtuti For-
 tuna obsecundauit, quam ut à
 Deo petendam aiunt mortales,
 sic à seipso sumendam esse sapien-
 tiam. Quæ tua opera, & indu-
 stria, CARD. ILLVSTR. fuerit,
 quæ sollicitudo & mora in capien-
 da, domandâq; urbe Rupellana,
 nemo nescit. Non ferro tantum

sed & prudentia, capiuntur vrbes. Marti saepe comites Musæ. Neque enim viribus solum, sed multò magis ratione, ac consilio res magna geruntur. Ob tante rei tam felicē successum in primis Deo Opt. Max. gratia agende erant: gratulandum Regi Christianissimo: gratulandum tibi, gratulandum cunctæ Franciæ. Huius autem letitiæ publicæ, ac gratulationis, cum tibi post Regem gratia non parvæ debeantur, gratulatoriam hanc Orationem seu maius gratiarum actionem, habitam in regio Gymnasio, Illustrissimi nominis tui tectam præsidio, in manus hominū pervenire in primis cupiui; ut intelligeret posteritas quæ tua in causa,

*Regis & Regni fuerit mens, que
cura, qui labor in capienda ea
rupe que instar scopuli res cun-
ctæ Franciæ morabatur, quam
si tibi, Card. Ill. non displicere
intellexero, non malè operam
mihi positam putabo.*

Illustriss. tuæ Dignitati addi-
tissimus Cliens

P. VALENS Græc. liter. Professor
Regius.



DE RVPELLA

RECEPTA

ORATIO.

REQUENTIA vestrum incredibilis, A A. OO. concursatioque tanta, quantam meminisse non videor, & alacritatem mihi summam affert dicendi, & animum, ex nuper capta Rupella, omnium in animis exortam hodierno die apud vos lætitiā prædicandi. Tandem, tandem arx rebellium capta est, capta Rupes in litore Xantonico, quæ à tot annis,

tot Regum Christianissimorum,
clarissimorumq; Ducum ac Principum
operam, industriamq; eluserat.
Frustra iam antea Franciscus II.
Valesius, frustra Carolus IX. frustra
Henricus Andium Dux Regis
frater fortiss. Rex Sarmatum in ca-
stris designatus, frustra innu-
merabiles terra, marique copiae clas-
sesque comparatae eam tentarant.
Tibi, LVDOVICE, Magni Henrici
Filio inuictissimo, verè magno, ius-
to, pio, felici, laus hæc debeba-
tur, qui fidissimi Achatidis consilio,
ac perseverantia, quod à tot annis
alii Reges parturiebant, tandem
summis cunctae Franciæ, orbisque
Christiani votis peperisti. Viue
LVDOVICE Rex Christianissime, vi-
ue; qui quod ante te sperare magni
Reges ausi non sunt, tu cura, labore,
vigilijs, ac patientia incredibili fe-

liciter effecisti. Varijs procellis ha-
 ctenus Francia tua quassata fuit,
 variâ fortunâ post conditum, con-
 stitutumq; in Gallijs Francorum
 regnum, vsa est, sæuis prauarum
 opinionum ventis iactata : sed tu
 Rex inuictissime, Magni Henrici
 suboles inclyta, his malis, quibus
 Francia per tot annos vexata fuit,
 tollendis, tranquillandisque natus
 es. Tu Franciam captâ Rupellâ
 tuam, inuicti animi robore, in portu
 collocasti : Tu vrbes infinitas, quæ
 hæctenus in varijs regni tui Prouin-
 cijs dulce obsequij iugum excusse-
 rant, vt parerent, coëgisti : Tu de
 religione auita patrum bene sen-
 tientibus, capta perduellium arce,
 quasi vexillū ad bene de religione
 sperandum ante paucos dies extu-
 listi : Tu præfracta ceruice homines
 in gyrum rationis reduxisti : Tu

hoc facto tuo , quod omnes anni
consequentes celebrabunt , radices
stultarum opinionum euulsisti; Tu
Franciam tuam pristino splendori
suo armis tuis rursus asseruisti. Iam
ab hinc annis pæne duodetriginta,
cùm lucem hanc aspicere primùm
cœpisti, de te recēns nato, Magne
Rex, ominatus sum, fore, vt exēplo
proauorum tuorum palmas ex Idu-
mæa aliquando referres, signa tua
supra Tigrim, & Euphratem pro-
ferres. Hæc anno M. DC. II. in lu-
cem edita de te adhuc in cunis va-
giente, magno hominum literatif-
simorum concursu in Aula Gym-
nasij Rhemenfis palam dixi. Teni-
mirum Diuorum Cosmæ ac Da-
miani festo in lucem hanc editum,
susceptúmq; , κοσμου fore κομήτορα,
cuius lux eas terras aliquando illu-
stratura esset, quas S. LVDOVICVS

proauus tuus olim numeroſo cum
 exercitu Francorum, Fidei Chri-
 ſtianæ propagandæ cauſſa peragra-
 uit. Hæc omina iam tum ore meo
 prolata, hæc auguria, annon ali-
 quando rata erunt? Annon ſplen-
 dor nocte illa qua è bulga matris
 exhibas in nemore Fontis Bellaquæ
 eſſulgens, claritatem rerum à te ge-
 rendarum iam tum portendebat?
 Numquid iam ante annos aliquot
 illuſtria virtutis tuæ ſpecimina de-
 diſti? Numquid virtuti tuæ fortu-
 na coniuncta eſt? Numquid iure
 merito LVDOVICVS, Pius, Felix, ac
 Fauſtus appellari debes? Quis enim
 LVDOVICO Rege noſtro iuſtior?
 Quis fortior? Quis pietate erga
 Deum, quis felicitate in reb⁹ gerēdis
 præſtantior? Quis in laboribus fe-
 rendis patientior? in aduerſis animi
 magnitudine tolerantior? In rebus

prouidendis perspicacior? ad pe-
 ricula adeunda peritior paratiórq? :
 Quot oppida superiore expeditio-
 ne cepit? quot expugnauit? quot in
 ditionem suam armis redegit? Be-
 nearniam totam breuissimo tépo-
 ris spatio ab erroribus in rectam
 viam reuocauit : Fidem Catholi-
 cam Apostolicam, & Romanam
 annis quinquaginta exulátem resti-
 tuit : Antístites in sedes suas repo-
 suit : sacra in ijs oris prors⁹ extincta
 rursus excitauit? Ita leniter, ita iustè,
 ita clementer se gessit, vt lenitas ip-
 sa, vt iustitia, vt clementia in eas
 terras venisse viderentur. Sed ne-
 que híc virtus eius substitit. Alia
 longè maiora secum meditatus est
 Rex sanctissimus. Neque vnam ali-
 quam partem, vt mali Medici so-
 lent, sed vniuersum corpus regni,
 pristinae valetudini restituendo
 vult

vult curare. Nouum ad bellum se
 Rex comparat; opus omnium dif-
 ficillimum aggreditur, & quod
 vires omnes humanas superare vi-
 debatur, id consilio, cura, labore,
 tolerantia, patientia, & ærumnis
 multis tandem effecit. Copiæ terra
 marique parantur, dilectus tota
 Gallia habetur, legiones fortissimæ
 conscribuntur, classes parantur, belli
 machinæ ac tormenta vndique
 cum comeatu, & impedimentis tra-
 huntur. Nerui ad rem tantam felici-
 ter, nauiterque efficiendam suppe-
 ditantur, duces exercitus, copiæque
 pedestres, & equestres proficiscun-
 tur. Sed quò? in oras sanctonicas.
 Quo consilio? Vtrupella, omni saxo
 Sicano durior, obsidione cingatur,
 arctetur, capiatur. Quid sit? Vrbs in
 suam perniciem pertinax vndique
 vallatur, cingitur, obsidetur, moles

ingentes & propugnacula fiunt, castra campidoctores ad eam metantur, cuniculos agunt, ita omni ex parte circumuallant, ut nulla spes opis, auxiliique ferendi illis ostendi videatur. Interim lapidem omnem mouent obsessi, ut & Regis optimi inuictissimi, iustissimi, Domini sui conatum, & industriam eludant: ut Cardinalis Illustrissimi sapientissimi, religiosissimi consilia disturbent. Sed quid factum est? sibi ut turdi solent, malum arcessiuerunt Anglobritannos, veteres Franciæ hostes in partes vocant. Bouquincaniæ Dux cum classe instructa & ornata Oceano se committit, in oras istas nauigat, Rupellam cum aurata lectica inuchitur, Ducem illum specie insigni, & forma præter cæteros egregia Rupellani suspiciunt, admirantur ado-

rant: in eo spes omnes suas, præsi-
 diâque miseri collocant. Sed quid
 fit? Capto cum Rupellanis consilio
 Ream insulam in propinquo sitam
 petit, cingit, adoritur tormentis
 quatit, inuadit. Propugnaculum
 in quo Thorasius vir Nobiliss. fida
 in Regem. Patriamque suam Tho-
 race indutus, Bouquincanus cingit,
 Thorasium ad colloquium euocat,
 vndique locum illum munitissi-
 mum obsidet, Thorasium egregio
 in regem suum animo, fide in Pa-
 triam carissimam cognita ad dedi-
 tionem sollicitat, obsessum vndiq;
 tenet, fame, & inedia premit. At
 quis rerum exitus? Quid rei? Quid
 spei? Anglus iam spe non insulam
 istam modo, sed Aquitaniam, sed
 Pictoniam, sed cunctam (vt verbo
 dicam) Franciam deuorabat. Ve-
 rum quis tantæ fiduciæ, ac spei

euentus? Miser, & infelix, malè An-
 glus calculum posuit. Cumque iam
 omnia tenere se malè sibi persuade-
 bat, concisus, fusus, fugatus, aquis
 merfus, cum summo dedecore,
 amissis signis, tormentisq̃ue belli,
 non sine insigni clade ad rupes Al-
 bionis rursus nauigare coactus
 fuit. In ipso conflictu & ardore
 pugnae clamabant Angli Anglicè
kill, kill vociferabāt Franci Francicè
Tue, Tue. Ibi Francium *Tue* vicit An-
 glirum *kill*. In rebus angustiis, ac
 pæne desperatis de cælo auxilium
 subitò adfuit, Illustrissimi Cardi-
 nalis summa prudentia tunc velut
 lucidum è cælo astrum, eluxit. Eius
 hortatu, Regijs auspicijs, cum res
 sub acie nouaculæ constituta esse
 videretur, scaphæ & comeatu, &
 egregijs militibus ornatae & instru-
 ctæ in insulam inu ito, ac sæuiente

Neptuno transmiserunt, Thorasio
 in extrema fortuna posito opem,
 auxiliúmque tulerunt, Ὀρέτις μὲν
 ἄρα ἐστὶ ληισμὸς ἢ ἀνάγκη. Fata viam
 inuenerunt. Frustra, venti tunc, fru-
 stra procellæ, frustra Neptunus ex-
 candescens murmurabat. Quò ma-
 ius periculum apparebat, eò ala-
 criori animo, vt Regi suo, patriæq;
 inferuissent, per medios fluctus ena-
 tarunt. Neque Leander olim ad He-
 ronem dominam & amicam suam
 Abydo Sestum inter sæuos fluctus
 maiore animi cupiditate natauit,
 quàm tunc milites nostri ad opem
 in dubijs rebus Thorasio ferendam,
 paruis in cymbis scaphisq; sumo
 vitæ discrimine transmiserunt. *Vi-
 ci amor patriæ laudemque immensa
 cupido.* Vir timidus in reb. dubijs
 nauci non est, vir bonus, suo peri-
 culo patriæ periculum remoratur.

Dicam hic A A. O O. & audacter
dicam de nostris militibus , quod
scripsit olim Romanæ historiæ scri-
ba clarissimus. *Magnitudinem P. R.*
aduersis propè rebus admirabiliorem ,
quàm secundis fuisse. O quàm præ-
larè , quàm fortiter apud sum-
mum Poëtam , Sibylla magnum
heroa ad fortiter audendum hor-
tatur:

*Tu ne cede malis , sed contrà au-
dientior ito*

*Quà tua te fortuna sinet , via
prima salutis ,*

*(Quod minimè reris) Graiâ pande-
tur ab vrbe ,*

*Sed nos meliùs , Cælo pandetur
ab alto.*

Consilio & hortatu illustrissimi
Cardinalis , Rege Christianissimo
id maxime vrgente, nostri milites,
quod fieri posse non videbatur, ma-

gno Regis, & Regni bono effecerunt, in insulam Reacensem fidenti animo traiecerunt, ô quàm verè olim dixit, quisquis dixit, *Volente Deo vimen est ratis loco.* Thorsium annona subleuant, cum Anglis configūt, anglos in fugam vertunt, Anglos per ponticulum fugiētes more suum demergunt, plurimos trucidant, signa plurima capta ex illo prælio reportant: insulam Anglicis molossis liberant: Omnem Franciam illo die præter spem, noua spe, lætitiâque implent: ita Anglorum classis, ita Bouquincanius heros, ita comites eius præda è faucibus erepta, re infecta pudore suffusi in Britanniam sparsis per oceanum ratibus fluctuantes redierunt. Lætare ô Francia hac tanta de coelo demissa victoria, lætare tanto, tamque felici, ac iusto rege, ac prin-

cipe, lætare tanto Cardinale, tam
 fido Æneæ nostri id est Regis Chri-
 stianissimi Achate, cuius consilio,
 & opera factum est vt Arx ista per-
 duellum morando, cunctando for-
 titer omnia patiando caperetur, vt
 Rupicones isti, & petrones, vt per-
 uicaces ad inciras redacti in manus
 optimi, iustissimi, clementissimiq;
 Regis post diuturnam obsidionem
 inedia cōfecti venire fuerint coacti.
 Sed quis positas ad Rupellam in-
 gentes moles, quis valla, & fossas,
 quis propugnacula non admire-
 tur? Quis non obstupescit, qui
 frenum Neptuno sæuienti à Rege
 nostro impositum vidit? Qui ag-
 gerem in mari exstructum cernit?
 Qui litora hinc inde coniuncta
 non sine admiratione contēplatur?
 Flumina ad caput suum prius redi-
 tura fuisse dixisse? quàm Rupellam

claudi, ac capi posse. Sed docuit
 Rex noster nihil esse tam difficile
 quò mense eius non euaderet, nihil
 tam altè positum quò diuina virtus
 eius non eniteretur? Achiui X. an-
 nos ad Troiam hæserunt: Et dolo
 tandem, quam virtute non pote-
 rant, urbem ceperunt: Mummius
 Corinthum in Achaia deleuit: Han-
 nibal Saguntum vt ad extrema def-
 cenderet; coegit: Scipio Africanus
 minor Carthaginē imperij Romani
 æmulam exscidit. Alter Scipio Nu-
 mantiam excidit: Archidux Au-
 striæ Albartus Isabellæ Claræ Eu-
 geniæ maritus, in capienda in lito-
 re Flandrico Ostenda vltra trien-
 nium consumsit: Ambrosius Spi-
 nola rerum gestarum gloria clarus,
 X. mensibus Bredanam urbem in
 Planitie sitam arctissime obsessam
 ad deditionem coëgit: Rex noster

LVDOVICVS, cuius memoriam po-
 stera celebrabit ætas: Cuius res ge-
 stas fama loquetur anus, cuius diui-
 nas virtutes quàm diu erūt homi-
 nes, prædicabit posteritas, Rupellâ
 ingenio loci munitissimam, Ru-
 pem durissimam in litore, Xancto-
 nico sitam diuino suo consilio, la-
 bore, ac patientia, vt frænos acci-
 peret, post annuam obsidionem
 coëgit: cunctam Franciam, vna hac
 capta perduellium arce, cepit: Ru-
 pe peruicacissima expugnata, quid-
 quid vsquam pertinaciæ est, expu-
 gnauit. O factum benè! ô facinus
 præclarum omniũ literis ac linguis
 prædicandũ! Obiectum olim Epa-
 minondæ Thæbenorum Impera-
 tori clarissimo, quod liberos ex
 se nullos reliquisset, at is inquit, im-
 mo. filiam nobilissimam Leuctri-
 cam victoriam, qua nulla præstan-

tior proles contingere potuit, reli-
 qui. Rex nosterannon optimo iu-
 re (cuius laboscunctæ Franciæ su-
 mam lætitiā peperit) Rupellam
 ex se si non naram, certè renatam,
 gloriari potest? Hanc ex se renatam
 Deo bene iuuante Delphinus patri
 suo, Delphino Regi (quod omni-
 bus votis nobis est optandum) se-
 quetur regni hæres. Agnoscat
 deinceps Rupella Regem suum,
 colat vt parentem, vt patrem Pa-
 triæ veneretur, eique vitam & sa-
 lutem debere, quodiugo seruitutis
 hereticæ liberata sit, quod à recta
 fidei semita per tot annos deuia,
 nunc in rectam fidei, ac pietatis
 viam redacta sit publicè, ac palam
 omnibus gentibus testetur. Rupel-
 la in Sanctonum finibus, maris
 oceani fluctibus paludibusque tu-
 ta, quid aliud ab annis sexaginta

quibus obsequij iugum sceleratè
 excussit, quam arx hereticæ prau-
 tatis? Rupes pertinaciæ? pirata-
 rum spelunca? Pestilentis doctri-
 næ sentina? Calvinianæ sectæ Asy-
 lum, & Petra scandali? Habes mo-
 dò Rupella, quo læteris: Deo Opt.
 Max. ac Regi tuo gratuleris, qui te
 inuitam, ac reluctantem post diu-
 turnam obsidionem, fortuna tam
 fortunata, felicitate adeo felici ma-
 ctavit. Signa diem illum meliore
 lapillo, quo è miserrimæ Caluini
 seruitute ereptam te Rex Christia-
 nissimus, veræ libertati Ecclesiæ,
 & Francicæ fidei antiquæ rectæ &
 intemeratæ restituit: gratias age
 Deo, quod Euangelij vallum, vt
 Ministri Satanæ appellabant, solo
 æquauit: gratulare Regi tuo, qui te
 præsentia sua voluit honestare; mœ-
 nia tuâ cum ingenti nobilium co-

imitatu introire : gaude ô Rupella
 gaude, quod oculis tuis eum Car-
 dinalem vsurpasti, purpuram eam,
 coccumq; adspexisti, quod te Regi
 tuo benignè reconciliauit : gaude,
 quod mœnia tua, vrbs tua, templa
 tua à tot annis polluta, scelere nefa-
 rio, & inexprabili violata, Rex san-
 ctissimus per tantum Cardinalem,
 cuius virtus, & sapiëntia cuius in Re-
 gem suum amor, in carissimam pa-
 tram caritas, nulla ætas ex animis
 Francorum debet, rursus expia-
 uit : omni religione, qua obstricta
 eras, soluit : rem diuiuam in templo
 S. Margaritæ pietatis omnis mar-
 garita fecit : glaucomam qua oculi
 tui obtecti lucem Catholicæ veri-
 tatis non cernebant, amouit. Gaude
 inquam, & diem illum vt supra te-
 tigi, *signa meliore lapillo*. Sapiens in
 posterum, vt spero, & quidem
 damno suo, vt phryges, quæ pœ-

nitentia etsi fera, non minùs tamen
quàm sera gratulatio, erit repre-
hendenda: At scelerum, & nefa-
riorum consiliorum Ministri, qui
infelici Popello imposuerùt, eò vbi
ne Pelopidarum quidem nomen
auditur, erunt amandandi. Francis-
cus II. Valésius salutaribus propo-
sitis edictis eos in viam salutis co-
natus est reuocare, at renuerunt:
Carolus IX. anno M. DC. LXXII.
Edicto ad eos misso, vt Bironio
Tribuno militum parerent, impe-
rauit, at monita regis spreuerunt:
Henricu III. Francorum & Polo-
norum Rex nullis precibus nullis
monitis, nullis promissis, nullis mi-
nis, vt in potestate, ac fide regis ac
regni esse vellent, potuit efficere:
Rex noster LVDOVICVS XIII. D.
LVDOVICI expressa imago, Iustitiæ,
ac pietatis propago, vt tedire in

viam salutis vellent, blandè inuita-
 uit ; at miseri , & infelices , magno
 suo damno iustissimi , optimique
 Regis imperium detrectarunt. Sed
 quid tandem tot impensis , tot ma-
 chinis , tot molitionibus , tot curis
 & æumnis , tot uigilijs effectum
 est ? Ex liberis , & ciuibus facti sunt
 deditij : vi coacti , ad extrema des-
 cenderunt , qui si potuissent , Anglis
 seruire turpiter , quàm regi ac Do-
 mino suo honestè parère maluis-
 sent. Sed suaue illis perire fuit qui
 si voluissent , salui omnes esse po-
 tuissent. At inuitos & nolentes
 quis seruet ? Inuito beneficium
 quis vnquam dedit ? Rex optimus ,
 cui non minor vincendi , quàm
 ignoscendi gloria cordi est , suppli-
 ces ad pedes suos iacentibus con-
 donauit : iniurias omnes sempiter-
 na memoria deleuit : veniam peten-

cibus dedit : Vitam , salutem , libertatem , fortunas omnes restituit. O bonitatem admirabilem ! O clementiam literis monumentisque posteritati prodendam ! Sciebat Rex opt. nulla re propius ad Dei naturam accedi , quàm victis parcendo. At obstupescant posteri hæc legentes , tam vilia mancipia , tam horrida in regno Franciæ humanissimo , cultissimoque quod solum monstris olim carebat , nostrâ memoria reperta esse monstra. Hæccine Lutheri , & Caluini præclara dogmata ! Hoc Euangelij vallum ! Hæc pietatis ara ! hic virtutis honos ! Coniurare in caput Principis , eiurare omne obsequium , nullis legibus diuinis , ac humanis parère velle : Potestati à Deo constitutæ pertinaciter obsistere : noua semper bella serere & gerere ; nihil præter

propter cædem ac sanguinem spirare? Súsque déque omnia vertere; Aras & templa euertere vasa sacris ministerijs destinata poluere, vestes sacras sacrilegis manibus contaminare; omne sacrum ac sanctum violare? Sed quid obductas superiorum temporum cicatricès refrico? Quid hæc tam impia, & nefanda hic reuoluo? Maiori curæ esse nobis debet, quemadmodum Regi nostro Christianissimo, non modò de cuncta Francia, sed de vniuersa Ecclesia Christiana optimè merito grâtiâs agamus, quàm quemadmodum perduellium iniurias, nefariâsque in Regem suam, molitiones, pertinaciâque hîc longiore oratione persequamur. Obuiam camus Regi victori, omnium qui vsque sunt virtute, sapientia, Iustitia, ac clementia

principia: si gstatulemur, & multo-
 rum dierum ad omnia puluinaria
 supplicationes decernamus: Ei sta-
 tuas erigamus, eius in extirpando
 ex agro Ecclesiæ errorum lolio
 labores, omnibus literis ac linguis
 prosequamur. Sit infixæ animis om-
 nium ciuium, tot acceptorum à
 Rege nostro Ludouico Christianif-
 simo pio, iusto, felice, inuicto
 sempiterna beneficiorum memo-
 ria, Cui, quod Francia ad pristi-
 nam gloriam, dignitatémque re-
 florescit, ei vni debemus. In occur-
 sum ei veniat Sacerdotum sanctif-
 simus ordo: obuiam procedant
 equites. Amplissimus Senatorum
 ordo Principi suo occurrat, Prætor
 Urbanus, Ædiles, populus Pari-
 siensis, & regem suum faustis accla-
 mationibus excipiat: acclament
 omnes viuat Rex, viuat rebellium

domitor, viuat Rupellæ victor,
 viuat hæreticæ prauitatis exterminator
 LVDOVICVS. *De nostris annis,*
illi Deus augeat annos. Dies ille quo
 regem suum agnouit Rupella, Dies
 quo in Castro Saliceti deditionis
 conditiones, & capita scripta sunt,
 à rege, & sigillorum custode, &
 Rupellanis suscripta: Dies quo Rex
 optimus Rupellam ingressus est:
 Quo sol clementiæ regiæ illis illu-
 xit, Dies quo Rex Lutetiam victor
 ciuilis dissensionis, hæreseon ex-
 stinctor, ocij & tranquillitatis com-
 positor cum Pompa regredietur
 conspectu iucundissimo ac vultu
 maiestatis pleno ciues Parisienses,
 incolásque omnes recreabit, ad
 æternam posteritatis memoriam
 in fastos erit referendus. Sed quid?
 Academiæ Parisiorum, Stirps
 Imperatoria, Caroli Magni proles

Regum Franciæ incrementum in officio cessabit? Regi suo Christianissimo, optimo, iustissimo, pietatis cultori religiosissimo, obuiam in purpura non ibit? Ab sit, vt illa in publica lætitia vniuersæ Franciæ, in officio claudicet. Omnes ordines Academici chori, omnes nationes, Tribus omnes regi suo victori obuiam procedant: Rector amplissimus, Decani omnes, Pro- uinciarum Procuratores cum adiunctis comitibus in purpura; Scribæ accensi, lictores, Bedelli (vt appellant) cum clauis auratis, & argenteis, cum fascibus laureatis, & insignibus splendido comitatu, ac- visendo Regi suo gratulabuntur: Regem suum salutabunt fausta omnia, feliciâque ei omnia precabuntur, versibus, hymnis, carminibus, Doctis Dictis, Iupiter, & la-

boriosis Regem suum regni paci-
 ficatorem, pristinae gloriae ac splen-
 doris, dignitatisque Francorum re-
 stitutorem Musarum Apollinem,
 & alterum Herculum *μωουζέτης*
 celebrabunt. Quid? An te Cardi-
 nalis Illustriss. indictum prateri-
 bunt? Tene silentio inuoluent? Quæ
 tam ingratae literæ, quæ, tuam Re-
 gi tuo, Patriæ tuæ in obsidione diu-
 turna, ac periculosa strenuè naua-
 tam operam, exantlatos pro cõmu-
 ni salute labores, susceptas curas,
 ac cogitationes non prædicent?
 Non illustrib⁹ ornatas scriptis, non
 victuris chartis memoriæ hominũ
 tradant sempiternæ? Tu magne
 Cardinalis regi tuo in Castris quod
 olim in prælio Actiaco Cæsari
 Octauiano Augusto M. Agrippa,
 exstitisti. Verè Richelius diuite lo-
 co & penu sapientiæ abundans verè

ARMANDVS in pertinaciæ rupem
 eras armandus, qui armis ingenij
 tui eam expugnares.

Prima profectò

*Inuictò regi Lodoico debita palma est,
 Sed tua ô Antistes deposcit cura secundam,
 Cōsilio, atq; armis rupẽ cepistis iniquam,
 Rupem præduram cautesque in littore
 Ponti,*

*Sanctonici insuetas Regi parere benigno,
 Tu cum Rege pio docuistis.*

Habent hîc quod discant cæteri
 perduelles, habent quod discant
 Montalbanenses, Castrenses, Ne-
 mausenses : Habent quod discant
 alia municipia, & oppida, quæ con-
 tra omne ius, & fas in regem ac
 Dominum suum, in Principem si-
 bi à Deo datum scelerata arma ce-
 perunt : habent inquam quod dis-
 cant exemplo Rupellensium, qui
 peruicariæ suæ pœnas, leuiores

forte quam delictorum atrocitas exigebat, dederunt, tamen quæ alios vt sapiant, erudire mehercule possunt. *Feliciter sapit, qui alieno periculo sapit.* Nemo, vt ait Stoicus homo, læditur, nisi à seipso. Quæ cum ita sint, videte quæso, quot quot animorum peste miserima correpti estis, vt cum Deo cum Ecclesia orthodoxa cum rege vestro, cum patria vestra communi omnium parente sanctissima in gratiam redeatis, videte inquam, & rebus vestris maturè prouidete, ne si pulcherrimam occasionem oblatam vobis, amittatis, pro Rege optimo clementissimoque, iustum, ac seuerum: Pro parente, mitissimo lenissimoque Dominum imitem & acerbum pro benefactore criminum vestrorum, vltotem, vindicemque rigidissimum

experiamini. Sed qui-nam isti tam
 maléferiati , qui regem' optimum,
 lenissimum | clementissimum vt
 crudelem timent ? Regem qui , vt
 Agamemnon apud opt. Poëtam
 populum suum saluum quàm per-
 ditum mauult ? *σαὸν ἐμμεναυ μᾶλλον ἢ*
ἄπολέσθαι ; Is ergo vt immitis time-
 tur , 'qui cum rupellanos macie &
 inedia confectos cerneret , à lacru-
 mis sibi non potuit temperare , cui
 hostium crudelissimorum fortuna
 afflicta lacrymas potuit elicere ?
 Cur quæso apicularum regem , sol-
 lers Natura absq; , aculeo procrea-
 uit , nisi bonitatem clementiámque
 Regis nobis hac re significare vo-
 luisset ? Sed audiamus quid de iu-
 sto Rege scribat D. Basilius *ἐστὶ μὲν*
γὰρ κέντρον τῆς βασιλεῖς , ἀλλ' οὐ χρεῖται
τοῦτο πρὸς ἀμύναν. Habet quidem
 aculeum rex , sed ad vlciscendum

co non vtitur. Qui quæso is in suos
 fœuiret, qui totus ex lenitate & mi-
 sericordia compactus est? Qui re-
 belles captos annonâ statim adiu-
 uit? Qui decies mille panes cum
 primùm portæ paterent, immisit?
 Rex Pater populi, Rex Pastor, Rex
 vt scribit Dio Prusæus, *ἢ δὲ θε-
 πων σωτήρ*. Quid? Rex noster quo
 nemo lenior, nemo clementior,
 nemo pietate, ac Iustitia illustrior,
 annon optimo iure, Pater Patriæ,
 Pastor populi, & seruator homi-
 num appellandus est? Interrogatus
 nuper à nescio quo Rupellanae vr-
 bis Ædilis Maior Regémne mallet
 LVDOVICVM Francorum, An Ca-
 rolum Anglorum, respondisse fer-
 tut eum se malle à quò vi & mora
 captus esset quàm qui X mensibus.
 integris cum omni classe sua, ne
 bucellam quidem panis in urbem

fame & inedia pallentem importasset. At utinam Maior ille quisquis sit, utinam Rupellani ante annum, stantibus integrisque eorum rebus regem suum agnouissent ! Utinam mentes suas toties moniti, toties ad obsequium inuitati, ad meliora flexissent, in calamitates in quas inciderunt postea, minimè incidissent, tot cædes suorum, tot cadauera, tot fame consumptos ciues non vidissent, humanas carnes (ut rumor est) non gustassent. Sed cornicū oculos se posse configere stultè sibi persuadebant, seruitutis iugum, ut putabant excutere, qui miserrimam, nisi Rex opt. eos cepisset, sub Anglorum fastu seruitutem seruissent. Sed male sapit qui plus legibus ipsis vult sapere. Magno vestro damno ô Rupellani, sed serò sapuistis. Agite gaatias Deo, agite

gratias Regi vestro, per quem, quæ
 pertinacia vestra & perduellionis
 crimine amiseratis, singulari boni-
 tate, ac clementia retinuistis vni-
 uersa : Agite, inquam, agite gra-
 tias optimo , benignissimoque
 Principi, ac salutis vestræ parenti
 quod ex superiorum annorum
 caligine, ac tenebris lucem tandem
 veræ libertatis ac fidei respicere
 cœpistis : Sapite impofterum ma-
 gno vestro damno, emergite tan-
 dem è scopulis errorum & perui-
 caciæ, coniungite vos cum ijs qui
 bonas partes semper secuti sunt:
 abrumpite vos ab ijs , qui neque
 Deo , neque regi suo, neque veræ
 religioni parere volunt, si floren-
 tes, beati, ac felices viuere in pena-
 tibus vestris impofterum vultis.
 Nos verò. A A. H. H. Preces
 Deo Opt. Max. fundamus vt Re-

gem optimū, iustissimum, clementissimum diu saluū & incolumem ; populo suo seruet : Prole mascula, summis cunctæ Franciæ votis beet , Regnum Christianissimum semper florens esse velit, Populum obsequentem, subditosque, (vt fas est) parentes det, vt hoc pacto votis, animisque coniuncti, & Deo, & Regi concordibus animis mentibusque seruiamus.

